

1970

Lettre du Père Joseph Gebbard Eigenmann au Cardinal Patriarche de Lisbonne — (3-II-1896)

António Brásio

Follow this and additional works at: <https://dsc.duq.edu/angolavol4>

 Part of the [Catholic Studies Commons](#)

Recommended Citation

Brásio, A. (Ed.). (1970). Lettre du Père Joseph Gebbard Eigenmann au Cardinal Patriarche de Lisbonne. In Angola: 1890-1903. Pittsburgh, PA: Duquesne University Press.

This 1896 is brought to you for free and open access by the Spiritana Monumenta Historica at Duquesne Scholarship Collection. It has been accepted for inclusion in Angola: 1890-1903 by an authorized administrator of Duquesne Scholarship Collection.

LETTRE DU PÈRE JOSEPH GEBBARD EIGENMANN
AU CARDINAL PATRIARCHE DE LISBONNE

(3-II-1896)

SOMMAIRE — *Communique l'érection du Noviciat de Sintra et demande l'attestation officielle de cette érection. — Le Cardinal-Patriarche déclare que son approbation a été accordée et que l'érection canonique est faite.*

Eminentissime Princeps

Josephus Eigenmann, Congregationis Sancti Spiritus et Immaculati Cordis B. M. Virginis in hoc lusitano Regno Provincialis, sacram vestram purpuram deosculans, humiliter quae sequuntur exponit:

Die 4 mensis Januarii elapsi ad pedes Eminentiae Vestrae provolutum, se Sacrae Congregationis a Propaganda Fide rescriptum in manus Eminentiae Vestrae tradidisse, quo Eminentiae Vestrae facultas impertita fuit Noviciatum Clericorum pro nostra Congregatione in pago vulgo *Cintra* nuncupato constituendi, servatis regulis a jure servandis; Eminentiam vero Vestram precibus supplicantis benigne annuisse atque vi facultatis ab Apostolica Sede impertitae, oratorem monuisse, ut rescriptum exsequens Noviciatum juxta juris regulas in dicto pago vulgo *Cintra* et paraecia quidem Sancti Petri Pennaferensi erigat, sicuti orator die 1^o hujus mensis Februarii, Noviciatum Clericorum re quidem vera erexit.

Quibus positis, quum de hac erectione ac Eminentiae Vestrae annuentia testimonium in primaria nostrae Congre-

gationis domo servari necesse sit, orator humillime Eminentiam Vestram hisce rogat, ut benigne attestari dignetur cuncta ab oratore hic allata sibi omnino cognita atque probata fuisse.

Quod Deus...

Olyssipone, die 3 Februarii, anni 1896.

s) *Josephus Eigenmann*

Provincialis C. S. Sp
in Portugallia

AGCSSp. — Boîte 461-B.